

欒城集卷第十五

丁

詩八十五首

送陳侗同年知陝府



上書乞江淮得請臨閔河所得非所願親友或相訶
丈夫志四方所遇常逶迤況當國西屏形勝古來多
崑渠湧北郭華岳垂東阿羗虜昔未平驛騎如飛梭
間諜時出沒閔梁苦誰何爾來一清淨西望多麥禾
魏絳方和戎先零正投戈秦人釋重負道路聞行歌
便當卧齋閣次第除網羅時時一嘯咏未用勤催科
諸孤寄吳越食口如鴈鷺時分橐中金何必手自摩

次韻李曼朝散得郡西歸留別二首

風波定後得西歸，烏鵲喧呼里巷知。
未熟黃梁驚破夢，相看白髮信乘危。
豚肩尚有冬深味，蠶器應逢市合時。
父老爲公留臘酒，不須猶唱式微詩。
懷印徒行尚故衣，邨中掾史見猶疑。
千人不塚鄉閔動，五馬行春雨澤隨。
醉裏墜車初未覺，道中破甑復誰悲。
西行漫遣親朋喜，早賦陶翁歸去詩。

送程建用宣德西歸

昔與君同巷，參差對柴荆。
艱難奉老母，弦歌教諸生。
藜藿飽臧獲，布褐均弟兄。
貧賤理則窮，禮義日益明。

我親本知道，家有月旦評。
逡巡戶牖間，時聞歎息聲。
善惡不可誣，孝弟神所聽。
我見此家人，處約能和平。

它年彼君子，豈復地上行。
爾來三十年，遺語空自驚。
松阡映天末，苦淚緣冠纓。
子親八十五，皤然老人星。
安輿及祿養，平反慰中情。
月俸雖不多，足備甘與輕。
今年復考課，得秩真代耕。
倚門老鶴望，策馬飛鴻征。
歸來歲云暮，手奉屠蘇觥。
我詩不徒作，以遺鄉黨銘。

君昔嘗稅居與弊廬東西相望武昌君見其家事知非貧或人也此語未嘗語人說初三十年矣因君西歸作詩言之不覺流涕

次韻子瞻杜介供奉送魚

天街雪霽初通駟禁籞冰開漸躍魚十尾煩君穿細柳一杯勸我毛青蔬寒樽獨酌偶逢客佳句相酬不用書江海歸來叨禁近空令同巷往來踈

次韻子瞻招王遠朝請晚飲

矯矯公孫才不貧白駒衝雪喜新春忽過銀關迷歸路誤認瑤臺尋故人訪我不嫌泥正滑留君深愧酒非醇歸時九陌鋪寒月清絕空教僕御顛

子瞻與李公麟宣德共畫翠石古木老僧謂之

懋叔圖題其後

東坡自作蒼蒼石留取長松待伯時只有兩人嫌未

足更收前世杜陵詩

王君貺宣徽挽詞三首

妙年收賈傳白首貴王陽志氣文章在功名歲月長遺孫依舊德故吏滿諸方河朔三持節斯民定不忘

又

謫墮神仙侶飛翔鸞鳳姿舊逢黃石老陰許赤松期歷歷僧伽記申申鄧傳詞翻然歸海嶠無復世人知

公少年過泗州於僧伽塔中見一老僧謂公歸味祖慕有白兔者君當第一人及第已而果然既登科見張鄧公為公言吾為射洪令尉補得一隱者疑其行遺我四服此藥可以終天年而無病且約我貴極臣今子方且貴慎勿答辱道人公終身用其言輒佐

公於大名親見公言之

從軍在河上伏鉞喜公來幕府方閑暇歌鍾得縱陪
它年老賓佐過國泣樓臺猶有墳碑在仍令故客開

今樞密安公厚卿昔與轍同在幕府公家方求厚卿作墓碑

送杜介歸揚州

揚州繁麗非前世城郭蕭條却古風尚有花畦春雨
後不妨水調月明中東都甲第非嫌汝北牖羲皇自
屬翁渭洛放船經月事急先鶻鷁遶芳叢

次韻子瞻與鄧聖求承旨同直翰苑懷武昌西

山舊遊

我遊齊安十日回東坡桃李初未栽扁舟亂流入樊
口山雨未止淫黃梅寒溪聞有古精舍相與推挽登
崔嵬山深縣令喜客至寺荒蔓草生經臺黃鵝白酒
得野餽藤床竹簟無纖埃可憐遷客畏人見共怪青
山誰為堆行驚晚照催出谷中止亂石傾餘罍古今
相望兩令尹謂元結與鄧君也文詞灑落千山隈野人豈復
識遺趣過客時為剗蒼苔五年留滯屐齒禿一朝揮
手船頭開玉堂却憶昔遊處笑問五柳應彫摧滿朝
文士蚤貴達馮凌霄漢乘風雷八叅祕殿出華省何
曾著足空山來漂流邂逅覽遺躅耳中尚有江聲哀

送楊孟容朝奉西歸

三十始去家四十初南遷五十復還朝白髮正紛然
故人從西來鞍馬何聯翩握手得一笑喜我猶生全
別離多憂患夢覺非因緣惟餘歸耕計粗有山下田
又糜太倉粟空愧鄉黨賢老兄富治行令德齊高年
幸此民事清未厭軍壘偏父老攜壺漿稚子迎道邊
應有故相識問我何當旋君恩閱衰病歸駕行將鞭

次韻孔武仲學士見贈

羨君耽讀書日夜論今古雖復在家人不見釋手處
意求五車盡未惜雙目苦蓬萊倚霄漢簡冉充棟宇

學成擅困倉筆落走風雨破籠閉野鶴短草藏文虎
鬢鬚忽半白兒女無復乳知君不能薦愧我終何補
偶來相就談日落久未去歸鞍得新詩佳句爛如組
古風棄彫琢遺味比樂府且復調填箎冷然五音舉

送家定國朝奉西歸

我懷同門友勢如曉天星老去髮垂素隱居山更青
退翁聯科第俯仰三十齡仕官守鄉國出入奉家庭
鷓鴣性本靜芷蘭深自馨新詩得高趣衆耳昏未聽
笑我老憂患奔走如流萍冠裳強包裹齒髮坐彫零
晚春首歸路朱轡照長亭縣令迎使君綵服導輜輶

長歎或垂涕平反知有令此樂我已亡雖達終不寧
次韻劉貢父省上示同會二首

流落江湖東復西歸來未洗足間泥偶隨鵬翼培風
上時得衙香滿袖攜落筆逡巡看儼直醉吟清絕許
分題相望魯衛雖兄弟終畏鄰封大國齊

掖垣不復限東西賓客來衝霧雨泥白酒黃封開激
灑朱纓青籠落提攜五花愧我連書判三道高君免
試題誰遣松蒿同一谷凌雲他口恐難齊

次韻孔武仲三舍人省上

君不見西都校書宗室叟東魯高談鼓瑟手偶然同

我西掖垣並立曉班分左右龍文百斛世無價屬二
瓦釜枵然但升斗諸兄落落不可望兩季幸肯分餘
光大孔奮飛自南鄉聯翩羣鴈相追翔渠家冠蓋尤
堂堂

送顧子敦奉使河朔

去年送君使河東今年送君使河北連年東北少安
居慷慨憐君色自得河流西決不入土千里汗漫被
原隰壯夫奔亡老稚死粟麥無苗安取食君憂臣辱
自古然自跪過門三不入忠誠一發鬼神輔心念既
通謀計集堤防旋立村落定波浪欲收蛟蜃泣二年

歸國未爲久故舊相看髮猶黑成功豈在延世下好
勇真令腐儒服此時爲國頌河平當使君名長不沒

席上再送

人言虎頭癡湧作河朔遊黃河六七月不辨馬與牛
單車徑北渡橫身障西流虎頭亦不癡志在萬戶侯
徜徉歷三邊歸借坐上籌腰垂黃金印不受白髮羞
此計雖落落但問有志不臨岐且一醉行役方未休

次韻孔文仲舍人酴醿

蒼虵凍不死輕素暖仍歸落葉時吹面繁香自撲帟
光凝真照夜枝軟或牽衣似厭風霾苦應思霧雨霏

開樽迎最盛掃地見初稀賴有清陰在金波肯發揮

送錢承制赴廣東都監

家聲遠繼河西守遊宦多便嶺外官南海無波閩闕
舸北堂多暇得羞蘭忽聞常棣歌離索應寄寒梅報
好安它日扁舟定歸計仍將犀玉付江湍

次韻曾子開舍人四月一二日扈從二首

萬人齊仗足聲勻翠輦徐行不動塵夾道謹呼通老
樨從官雜選數徐陳旌旗稍放龍蛇卷旒冕初看日
月新天遣兩師先灑道農夫不復誤占辛農家常以

辛深則麥熟今年正月八日得辛而雨不時應駕未出一日初得雷雨冬始有望

衣冠雙日款蓬萊
簾旌瓊鉤扇不開
清曉連驚三殿
啓翠華遙自九天來
晨光稍稍侵黃蓋
瑞霧霏霏著
禁槐千兩翟車觀
禮罷歸時滿載德風迴
是日內會
景靈仰瞻三宮肅然雍穆不言而
化諸公之家有能言之者

再和

病起江南力未勻
強將冠劍拂埃塵
木雞自笑真無用
芻狗何勞收已陳
行從鑿旗風日細
側聽廟樂管絃新
誰知四載勤勞後
併舉成功祚泣辛

宸心惻惻念汙萊
南籞西池閉不開
長樂鳴鞘千乘出
顧成薦鬯萬方來
從臣暗泣新宮柳
父老行依輦

路槐雙闕影斜朱
戶啓都人留看屬車回

次韻張昌言給事省中直宿

還家未暇拂塵衣
攜被重來趁落暉
省戶鳴騶久分散
宮槐栖鵲共翻飛
周廬見月風霾靜
斜漢橫空星斗稀
多病心身怯清禁
故山依約夢西歸

次韻貢父子閒直宿

擲簡搖毫氣吐虹
興餘庭藥詠殘紅
今宵文字知無幾
軒睡簾中笑二公

去年冬轍以起居郎入侍
邇英講不逾時遷中書舍人
雖忝冒愈深而瞻望清光與日俱遠追

記當時所見作四絕句呈同省諸公

邁英肅肅曉霜清玉宇時聞稿葉零風過都城吹廣
內萬人笑語落中庭

銅鉞灑遍不勝寒雨點勻圓凍未乾回首矐矐朝日

上槐龍對舞覆衣冠通英前地狀若龍地講官進對其下

早歲西廂跪直言起迎天步晚臨軒何知老侍曾孫

聖欲泣龍尊吐復吞轍昔舉制策生於崇政西廊蓋

和步入崇政過所試帳前瞻望天表最為親近

講罷淵然似不勝詩書默已契天心高宗問答終垂
世未信諸儒測淺深

次韻張問給事喜雨

已收蠶麥無多日旋喜山川同一雲禾黍趁時青覆
壟池塘流潤渌生文兩宮尚廢清晨集中禁初消永
夜薰倉粟半空民望足深耕疾耨肯忘君

次韻宋搆朝請歸守彭城

得郡迎親願不違書來無復寄當歸馬馳未覺西南
遠烏哺何辭日夜飛湖水欲平官舍好茶征初復訟
氓稀平反聞道加飡飯五袴應須換破衣

次韻劉貢父西掖種竹

竹迷誰定知迷否趁取滂沱好雨初栽向鳳池吹律

處斲從芸閣殺青餘迎風一嘯朝回早弄月相差直
宿疎應怪籍咸林下客相看不飲作除書仲馮方作
左史必與

貢父並
直於此

次韻劉貢父省中獨直

簾深巧為隔朝暎竹密時能引雀喧朝罷宿醒還續
夢靜中諸妄稍歸根坐曹聞道仍分省出沐誰當與
並軒竹簟茅簷宅日事重因遺詠記君恩

得告家君次韻貢父見寄

君恩賜告許歸來兩後中庭有綠苔起問日高三丈
夕卧聞車過九門開泥封連日傳新語腕脫知君有

軼才十日除日猥多兩待得晴乾追後乘未應塵土熱
如灰

黃幾道郎中同年挽詞二首

溫恭天賦此心良惠愛人知政術長井水無波任餅
紱牛刀投隙應宮商分符出遍名城守攜被歸從華
省郎不到汝陰遺恨遠坐令湖水減清光

早歲相從能幾時淮陽花發正游嬉鳴弓矍相人如
堵席地滄浪柳作惟十載舊遊真是夢一時佳客尚

存誰遙聞苑外日車千兩漬酒縣中寄一悲轍昔與幾
道相遇於

陳陳守飛聖民相與游從甚密逮今將三十年當時
賓客在者少矣而我道復化去言之懷惻無已

和王定國寄劉貢父

度嶺當年惜速行，過淮今日似前生。留連秋思江侵海，搖蕩春心花滿城。欲寄尺書慵把筆，偶聞佳句獨含情。何時復看清虛會，醉聽繁箏促柱聲。

故濮陽太守贈光祿大夫王君正路挽詞二首
落落承平佐英英，嗣世風芝蘭託庭戶。鸞鳴峙椅桐，結客賢豪際傾財。緩急中悲傷，聞故老淪謝未衰翁。

又

吳中試良守濮上繼嘉聲，平賦權家恨蠲租。盜俗清家貧久未葬，身去獨留名。天報多男子，終存好弟兄。

韓幹三馬

老馬側立鬃尾垂，御者高拱持青絲。心知後馬有爭意，兩耳微起如立錐。中馬直視翹右足，眼先已動心。先馳僕夫旋作奔，佚想右手正控黃金羈。雄姿駿發最後馬，回身奮鬣真權奇。圉人頓轡屹山立，未聽決驟爭雄雌。物生先後亦偶爾，有心何者能忘之。畫師韓幹豈知道，畫馬不獨畫馬皮。畫出三馬腹中事，似欲譏世人。莫知伯時一見笑，不語告我韓幹非畫師。

書郭熙橫卷

鳳閣鸞臺十二屏，屏上郭熙題姓名。崩崖斷壑人不

到枯松野葛相敬傾黃散給舍多肉食食罷起愛飛
泉清皆言古人不復見不知北門待詔白髮垂冠纓
袖中短軸纔半幅慘澹百里山川橫巖頭古寺擁雲
木沙尾漁舟浮晚晴遙山可見不知處落霞斷鴈俱
微明十年江海興不淺滿帆風雨通宵行拔蒿秣
使止宿買魚沽酒相逢迎歸來朝中亦何有包裹觀
闕圍重城日高因睡心有適夢中時作東南征眼前
欲擬要真物拂拭東絹付與汾陽生

題王生畫三蠶蜻蜓二首

飢蠶未得食死轉不自持食蠶聲如雨但食無復知

老蠶不復食矯首有所思君畫三蠶意還知使者誰

又

蜻蜓飛翱翔向空無所著忽然逢飛蚊驗爾飢火作
一飽困竹梢凝然反冥冥若無飢渴患何貴一簞樂
贈寫真李道士

君不見景靈六殿圖功臣進賢大羽東西陳能令將
相長在世自古獨有曹將軍嵩高李師棹頭笑自言
弄筆通前身百年遺像誰復識滿朝冠劍多偉人據
鞍一見心有得臨牕相對疑通神十年江海鬢半脫
歸來僥仰慚簪紳一揮七尺倚牆立客來顧我誠似

唐金章紫綬本非有綠簑黃鶴耳長貧如何畫作白衣老置之茅屋全吾真

次韻子瞻題郭熙平遠二絕

亂山無盡水無邊田舍漁家共一川行遍江南識天巧臨窻開卷兩茫然

斷雲斜日不勝秋付與騷人滿目愁父老如今亦才思一蓑風雨釣槎頭

次韻錢勰待制秋懷

壯心老自消秋思悲不怨中懷不堪七那用日食萬朝陽淨塗潦白露霑草蔓夾衣搜故褚酒債積新券

狙猿便林藪冠帶愁橙圈夢追赤松游食我青精飯歸心久已爾佳句聊復勸近聞洮東將闖出邊馬健裨王坐受縛右袂行將獻念此愧無功歸歟適吾願

宿滎陽竈氏園

喧卑背城市曠蕩臨溪水車流汴絕壁河潤及桃李居人有佳思過客得新喜中橋一回顧欲入迷所自

滎陽唐高祖太宗石刻像

并叙

滎陽大海院高齋石像二高不數寸而姿製甚妙唐高祖為鄭州刺史太宗方幼而病甚禱之即愈因各為一碑刻彌勒佛且記其事至今皆在元祐

二年九月祭告永裕陵過而觀焉作小詩以授院僧

誰言膚寸像勝力妙人天欲瘳衆生病陰扶濟世賢
身微須覆護眼淨照幾先豈為成功報猶應歷劫緣

次韻劉貢父從駕

一經空記弟傳兄舊德終慙比長卿
扈駕聯翩來接武登科先後憶題名竹林共集連
諸子隸萼相輝賴友生它日都門俱引去不應廣受獨華榮

次韻劉貢父和韓康公憶其弟持國二首

霜風瑟瑟卷梧蕉燕處超然夜寂寥
羽客信來丹鼎

具石淙夢斷水聲透赤松作伴誰當見黃鵠高飛未
易招劍履終身定何益勤勞付與沛中蕭

愛君憂世老彌深特操要須得失臨晚歲飛騰推有
德故鄉安穩信無心小邦近似西山隱元氣終當北
斗斟聖主方求三世舊老臣何止一遺簪

聞京東有道人號賀郎中者唐人也其徒有識
之者作詩寄之

賀老稽山去不還鏡湖獨掉釣魚船南來太白尋無
處却作郎官又幾年岱下迎鸞驚典謁蒙山施藥慙
耕田試窮脚力追行迹亦使今生識地仙

送家安國赴成都教授三絕

城西社下老劉君春服舞雩今幾人白髮弟兄驚我

在喜君游宦亦天倫

微之先生門人惟僕與子瞻
兄復禮與退翁兄皆仕耳

垂白相逢四十年猖狂情味老俱闌論兵頓似前賢

語莫作當年故目看

石室多年款誌平新書文溷里中生遣師今見朝廷
意文律還應似兩京

送歐陽辯

我年十九識君翁鬚髮白盡顴頰紅竒姿雲卷出翠
阜高論河決生清風我時少年豈知道因緣父兄願

承教文章踈略未足云舉止猖狂空自笑公家多士
如牛毛揚眉抵掌氣相高下客逡巡愧知己流拊低
昂隨所遭却來京洛三十載重到公家二君在伯亡
仲逝無由追淚落數行心破碎京城東西正十里雨
落泥深旱塵起衣冠纏繞類春蠶一歲相從知有幾
去年叔為尚書郎家傳舊業行有望今年季作澶淵
吏米鹽騷屑何當起前輩今無一二存後來幸有風
流似黃河西行淤沒屋桑柘如雲麥禾熟年豐事少
似宜君飽讀遺書心亦足

送韓康公歸許州

功成不願居身退有餘勇心安里閭適望益縉紳重
朝為北闕辭莫犯南河凍人知踈公達王命顯父送
百壺山泉溢千兩春雷動旋聞二季賢繼以一章控
詔書未云可廷論已爭竦茲行迫寒食歸及掃先塋
萬人擁道看一子胥金從爾曹勿驚嗟令德勸勤種
三日上辛祈穀除日宿齋戶部右曹元日賦三
絕句寄呈子瞻兄

七度江南自作年去年初喜奉椒盤冬來誤入文昌
省連日齋居未許還

今歲初辛日正三明朝春氣漸東南還家強作銀幡

會雪底蒿芹欲滿籃

北客南來歲欲除燈山火急萬人扶燈山例以廿欲

觀翠輦巡遊盛深却南宮鎖鑰拘

次韻王欽臣祕監集英殿井

碧甃涵雲液銅瓶響玉除汲花攢點罷灑霧喚班初
龍餅煎無數螭研滴有餘從官方醉飽一酌解清虛
集賢殿考試罷二首

振鷺紛紛未著行初從江海覘清光卷聲風雨中庭
起筆勢雲煙累幅長病眼尚能分白黑衆毛空復數
驪黃禁中已許公孫第得失何私物自忙

衰病相侵眼漸昏青燈細字苦勞神遍看大軸知無力聽誦竒篇賴有人前日鼓旗聞苦戰明朝雷雨出潛鱗殿廬困極唯思睡却憶登科似後身

問蔡肇求李公麟畫觀音德雲

好事相靈寶多才顧長康何嘗為人畫但可設竒將夕聚要當散能分慰所望清新二大上界我夜燒香

五月一日同子瞻轉對

羸病不堪金束腰永懷江海舊漁樵對床貪聽連霄雨奏事驚同朝旦朝大耿功名元自異中茅服食舊相要一封同上憐狂直詔許昌言賴有堯

次顛劉貢父題文潞公草書

鷹揚不減少年時墨作龍蛇紙上飛應笑學書心力盡臨池寫遍未裁衣

韓康公挽詩三首

閱閱元高世功名自發身堂堂揖真相矯矯出稠人許國心先定輕財物自親傳經比韋氏世世得良臣

又

耆年時一二新第闕西南好客心終在忘懷日縱談規模人共記風味我猶諸誰是羊曇首回車意不堪

又

師曠聞弦日相如作賦年雖慙衆人後貪值主文賢
北道初聞召南江正遠遷平生闕親近遺恨屬新阡
送王宗望郎中赴河東漕

春初戎馬掠河壩屬國倉皇不解鞍未免驅民餽邊
食旋聞奉使輟郎官年高轉覺精神勝慮穩要令事
業安持節近看葱嶺雪擁裘應慣鴈門寒

送高士敦赴成都兵鈐

揚雄老病久思歸家在成都更向西邂逅王孫馳馬
騎丁寧父老問耕犁禪房何處不行樂壁像君家有
舊題德厚不妨三世將時平空自萬夫齊

盧鴻草堂圖

昔爲太室遊盧巖在東麓直上登封壇一夜蠶生足
徑歸不復往巒壑空在目安知有十志舒卷不盈幅
一處一盧生裘褐蔭喬木方爲世外人行止何須錄
百年入篋笥犬馬同一束嗟子縛世累歸來有茅屋
江千百畝田清泉映脩竹尚將逃姓名豈復上圖軸
秦虢夫人走馬圖二絕

秦虢風流本一家豐枝穠葉映雙花欲分妍醜都無
處夾道遊人空嘆嗟

朱幘玉勒控飛龍笑語喧譁步驟同馳入九重人不

見金鈿翠羽落泥中

韓幹二馬

玉帶胡奴騎且牽銀鬃白臯兩爭先八坊龍種知何
數乞與岐邠並錦韉

試制舉人呈同舍諸公二首

垣中不減臺端峻池上來從柱下嚴同直舊曾連月
久暫來還喜二公兼僕頃與孫華老同在諫垣與彭器資同在西掖直言已
許侵彈奏新告行聞振滯淹顧我龕官何所與西曹
只合論茶盞

早歲同科止六人中年零落半埃塵却將舊學收新

進幾誤今生是後身骭髀別都遺老驥沉埋祕府愧

潛鱗制科前輩今獨張公安道一憐君尚勝劉蕡在

白首諸侯呼上賓

次韻張去華院中感懷

登朝已老似王陽脫葉何堪霧雨涼案上細書憎蟻
黑禁中新酒愛鵝黃臨堦野菊偏能瘦倚檻青松解
許長仕宦不由天祿閣坐曹終日漫皇皇轍項自續
除校書

即未至京除右司諫
竟不入館故以為恨

送周思道朝議歸守漢州三絕

早緣民事失茶官解印重來十二年美惡一周還自

復始知東里解言天

梓漢東南甲乙州同時父子兩諸侯守梓州出它年

我作西歸計兄弟還能得此不

酒壓郾筒憶舊酤花傳立老出新圖漢州宮酒蜀中推第一趙昌畫

花摸劬立文播亦西川所無也此行真勝成都尹直為房公百頃湖

藥城集卷第十五

藥城集卷第十六

詩一百二十首

程之元表弟奉使江西次前年送赴楚州韻贈

別

送君守山陽羨君食淮魚送君使鍾陵羨君江上居

憐君喜為吏臨行不款歎紛紛出歌舞綠髮照瓊梳

歸鞍踏涼月倒盡清樽餘嗟我病且衰兀然守文書

齒味懶食肉一飯甘青蔬愛水亦已乾塵士生空渠

清貧雖非病簡易由無儲家使赤脚嫗何煩短轅車

君船繫東橋茲行尚徐徐對我竟不飲問君獨何歟

表弟程之邵奉議知泗州

馬有千里足所願百里程馬心自為計安用終日行
何人志四方欲買千金輕吾弟有雋才見事心眼明
二年坐北部萬口傳佳聲談笑頑狡伏何曾用敲榜
艱難得銅虎洗眼長淮清民事不足為但當食魚烹
負重貴餘力過飽多傷生不見大路馬垂頭畏繁纓

次韻子瞻書黃庭內景卷後贈蹇道士拱辰

君誦黃庭內外篇本欲洗心不求仙夜眎片月墮我
前黑氛剝盡朝日妍一暑一寒久自堅體中風行上
通天亭亭孤立孰傍緣至哉道師昔云然既已得之
戒不傳知我此心未虧騫指我嬰兒藏谷淵言未絕
口行已旋我思其言夜不眠

次韻子瞻好頭赤

沿邊壯士生食肉小來騎馬不騎竹翩然赤手挑青
絲捷下巔崖試深谷牽入故閔榆葉赤未慣中原暖
風日黃金絡頭依圍人俛聽北風懷所歷

送葆光蹇師遊廬山

建成市中有狂人縱酒罵市無與親敲門訪我何遂
巡頭蓬面垢氣甚真截河引水登崑崙下洗尺宅骨
髓勻告我入室要自門仙翁道師豈遺君歸來挿足

九陌塵獨遊凝祥芳草春蕭然孤鶴鳴鷄羣子欲不
死存谷神海山微明朝日暎丹成守子勿妄云出入
無朕窮無垠相思一笑君乃信

同子瞻次梅聖俞舊韻題鄉舍木山

江槎出沒浮犀牛波濤抄天谷為洲江寒水落驚霜
秋危根瘦節鳴寒流脆朽吹去誰鐫鉞連峯疊嶂立
酋酋吾家此山不易得十年棄置空自尤猿號鶴唳
豈無意委地恠我懷羔裘西歸父老拍手笑笑憶翁
子躬薪樵去時三山今有五不問故園惟一丘

次韻子瞻送千乘下能

少年食糠覈吐去願一官躬耕遇歛獲不知以為歡
謂言一飛翔要勝終屈蟠朝廷未遑入江海失所安
多憂變華髮照影慙雙鸞思從萬里歸獨喜大節完
日食太倉米篋中有餘紈奇窮不當爾自信處此難
長女聞孀居將食淚滴繁老妻飽憂患悲吒摧心肝
西飛問黃鵠誰當救飢寒二子憐我老輦致心一寬
別久得會合喜極成辛酸忽聞倚門望有書驚歲闌
深情見緩急欲報非琅玕勸爾勤孝友慎母慕衣冠
淵渟自成井放瀉常生澗豈有白雪駒舉足無和鑿
題王詵都尉畫山水橫卷三首

摩詰本詞客亦自名畫師平生出入輞川上鳥飛魚
泳嫌人知山光盎盎著眉睫水聲活活流肝脾行吟
坐詠皆目見飄然不作世俗詞高情不盡落縑素連
峯絕澗開重帷百年流落存一二錦囊至軸酬不訾
誰令食肉貴公子不學父祖驅熊羆細氈淨几讀文
史落筆璀璨傳新詩青山長江豈君事一揮水墨先
淋漓手中五尺小橫卷天末萬里分毫釐謫官南出
止均類此心通達無不之歸來纏裹任紈綺天馬性
在終難羈人言摩詰是前世欲比顧老疑不癡栢公
崔公不可與但可與我寬衰遲

憐君將帥雖有種多君智惠初無師篇章俊發已可
駭丹青妙絕當誰知自言五色苦亂目况乃旨酒長
傷胖子狂但可時弄筆口病未免多微詞歌鐘一散
任池館幅巾靜坐空書帷偶從禪老得真趣此身不
足非財嘗世間翻覆岸為谷猛獸相食虎與羆逝將
得意比春夢獨取妙語傳清詩眼看宮醪瀉酥酪未
與村酒分醇漓解鞍駿馬空伏櫪寄書黃狗閑生鬻
江山平日偶有得不白因寫渾忘之臨窓展卷聊自
適磐礴豈復冠裳羈欲乘漁艇發吾興願入野寺嗟
兒癡行纏布襪雖已具山中父老應嫌遲

我昔得罪遷南夷性命頃刻存篙師風吹波蕩到官

舍號呼誰復相聞知小園畜蟻防橘蠹橘性甘多蠹南人畜蟻於

園中蟻緣木相食蠹雖一御家柯葉空庭養蜂收蜜脾讀

書一生空自笑賣鹽竟日那復詞城中清溪可濯漱

城上連峯堪幕帷十千薄俸聊足用魚多米賤憂無

訾東坡居士最岑寂岌然深藜見狐羆坐隅止鵬偶

成賦槃中食墓時作詩憐君富貴可炙手一時出走

羞啜醜澤傍憔悴凡幾歲胷中芥蒂無一毫江山別

來今久矣不獨能言能畫之同朝執手不容久笑我

野馬初受羈袖中短卷墨猶濕傍人笑指吾儕癡方

求農圃救貧病它年未用譏樊遲

次韻子瞻十一月旦日鎖院賜酒及燭

銅鑲玉鎖閉空堂腕脫初驚筆札忙紅燭遙憐風雪

暗黃封微瀉桂椒香光明坐覺幽陰破溫暖深知覆

育長明日白麻傳好語曼聲微繞殿中央

送周正孺自考功郎中歸守梓潼兼簡呂元鈞

三絕

白髮熙寧老諍臣凜然心膽大於身吾儕坐看馮唐

去誰起雲中廢棄人

十年符竹守吾州故吏相逢嘲土牛母謂徐公不堪

用諸人自與世沉浮

東道如聞近稍安乘驄按部凜生寒忽逢太守能相
下俱是從來言事官

雪中訪王定國感舊

昔游都城歲方除飛雪紛紛落花絮徑走城東求故
人馬蹄旋沒無尋處翰林詞人呼巨源笑談通夜倒
清樽住在城西不能返醉卧吉祥朝日暎相逢却說
十年事往事皆非隔生死惟有飛翼似昔時許君一
醉那須起蘭亭俛仰迹已陳黃公酒壚愁殺人君知
聚散翻覆手莫作吳楚乘朱輪

次韻王定國見贈

枯木無枝不記年寒灰誰遣強吹然南遷不折知非
妄未老求閑愈覺賢屢出詩章新管籥偶開畫卷小
山川簿書填委慙君甚撥去歸來粗了眠

王子難龍圖挽詞

帝子乘鸞已列仙遺芳留得衆孫賢俊科蚤與寒儒
競禁從終償白髮年輦路聯鑣驚往事圃田回首泣
新阡舊聞推歷知天命看熟黃梁定洒然

次韻李秀才來別子瞻仍謝惠馬

小床卧客笑元龍彈鋏無與下會中五馬不辭分後

乘輕裘初許弊諸公隨人射虎氣終在徒步白頭心
願同遙想據鞍橫槊處新詩一一建安風

呂司空挽詞三首

少年輕富貴一意在詩書共恨經綸晚纔收老病餘
寡言知德勝善應本中虛卒相承平業謳歌元祐初

又

將相家聲近勲名晚歲隆給扶安舊德賜府壓羣公
不見彌縫迹空推翼戴功山公舊多可寒士泣清風

又

罷郡來清潁微官憶宛丘顏垣那可住隱几若將休

復起民欣願全歸天不留世間反覆手有德竟無憂

公罷潁川退居於陳輟
為陳學官時請見馬

范蜀公挽詞三首

能言人盡爾有立世終稀憂國常先衆謀身亦勇歸
見竒初或笑要極未應非僅似西山老終身止食薇

又

賦傳長嘯久書奏鐔鍾新共歎文章手終為禮樂人
遺風滿臺閣好語落簪紳欲取褒雄比終非骨鯁臣

又

劔外東來日城西却住年高齋留寓宿旅食正蕭然

語愜聞石詩新看涌泉清樽寄苦淚一洒葉墳前
范百嘉百歲昆仲挽詞二首

少年何敏銳才氣伏諸生展卷五行下揮毫萬字傾
百年殊未艾一病竟無成誰謂從夫子同開鬱鬱城

又

季子尤高爽顏家早哭回白頭生似爾黃壤遽相催
舊草誰收拾新松剩挿栽悲傷有伯氏諸子尚嬰孩
安厚卿樞密母夫人挽詞二首

家起側微中身兼富貴終慈仁本宜壽勤約自成風
大府寧居久名邦賜沐雄共傳生子福仍指讀書功

又

早歲參戎幙開門對粉牆初聞寡兄弟共羨好姑章
一別飛騰速全歸福祿長遺芳在子舍它日望巖廊

題李公麟山莊圖二十首

并叙

伯時作龍眠山莊圖由建德館至垂雲泝著綠者十
六處自西而東凡數里巖崿隱見泉源相屬山行
者路窮於此道南溪山清深秀峙可游者有四曰
勝金巖寶華巖陳彭滌鵲源以其不可緒見也故
特著於後子瞻既為之記又屬轍賦小詩凡二十
章以繼摩詰輞川之作云

建德館

龍眠淥淨中微吟作雲雨幽入建德居知是清風主
墨禪堂

此心初無住每與物皆禪如何一丸墨舒卷化山川
華巖堂

佛口如瀾翻初無一正定畫作正定看於何是佛性
雲薌閣

清溪便種稻秋晚連雲熟不待見新春西風薌自足
發真塢

山開稍有路水放亦成川游人得所息真意方澹然

薌茅館

山居少華麗牽茅結淨屋此間不受塵幽人亦新沐
瓔珞巖

泉流逢石缺脉散成寶網水神瓔珞看山是如來想
棲雲室

石室空無主浮雲自去來人間春雨足歸意帶風雷
秘全庵

世道自破碎全理未常違溪山亦何有永覺平日非
延華洞

共恨春不長逡巡就搖落一見洞中天真知世間惡

澄元谷

石門日不下潭鏡月長臨細細溪風渡相看識此心
雨花巖

巖花不可攀翔藥久未墮忽下幽人前知子觀空坐
泠泠谷

層崖落飛泉微風泛喬木坐遣谷中人家家有琴筑
玉龍峽

白龍晝飲潭脩尾掛石壁幽人欲下看雨雹晴相射
觀音巖

倚崖開翠屏臨潭置苔石有所獨無人君心得未得

垂雲泚

木見垂雲泚其如歸興何路窮雙足熱為我洗磐陀

勝金巖

置馬步巖間巖前得平地肴蔬取行麓粗飽有餘味

寶華巖

團團寶華巖重重蔭珎木歸來得商昂試粥溪邊綠

陳彭滌

蒼壁立精鐵縣泉瀉天紳山行見已久指與未來人

鵲源

溪深龜魚驕石瘦椿楠勁借子木蘭船寬我芒鞋病

四詩皆記
伯時所畫

將使契丹九日對酒懷子瞻兄并示坐中

黃華已向初旬見白酒相攜九日嘗黃少一枝心自
覺春同斗粟味終長蘭生庭下香時起玉在人前坐
亦涼千里使胡須百日暫將中子治書囊

題王誥都尉設色山卷後

還君橫卷空長歎問我何年便退休欲借巖阿著茅
屋還當溪口泊漁舟經心蜀道雲生足上馬胡天
滿來萬里還朝徑歸去江湖浩蕩一輕鷗

次韻子瞻相送使胡

朔雪胡沙試此身青羅便面紫狐巾擁旌代北隨飛
鴈頓足江東有卧麟欺酒壺冰將送臘照溪村
先春漢家五餌今方驗更愧當年歎息人

歐陽文忠公夫人挽詞二首

先生才蓋世家事少經心流落初相偶委蛇志益深
功名入圖史文字刻瑇琳有助知由內騶虞欲重吟
又

好禮忘耆老持家歷盛衰謹嚴終致一貧富各從宜
晚歲仍聞道臨終竟不疑外人傳一二猶得載銘詩
歐陽伯和仲純挽詞二首

之人雖蚤病對客每清言不信疾為累要稱學有原
蘧蔭視名器果麻指乾坤長短何須問傳家已抱孫

又

仲氏氣無前為文思湧泉飄然落筆地時出疾邪篇
柁幹要經雪驂駟待著鞭淒涼悲故客不及見華顛
奉使契丹二十八首

次莫州通判劉涇韻二首

北國亦知岐有夷何嘗烽火報驚危擁旌絕漠聞嘉
語緩帶臨邊出好詩約我一樽迎嗣歲待君三館已
多時從今無事唯須飲文字聲名人自知

平世功名路甚夷不勞談說更騎危早年拭目看成
賦近日收心聞琢詩古錦屢開新得句弊貂方競苦
寒時南還欲向春風飲塞柳凋枯恐未知

贈知雄州王崇極二首

趙北燕南古戰場何年千里作方塘煙波坐覺胡塵
遠皮幣遙知國計長勝處舊聞荷覆水此行猶及蟹
經霜使君約我南來飲人日河橋柳正黃

生辰使例
以人日還

州至雄

城裏都無一寸閑城頭野水四汗漫與君但對湖光
飲久病偏須酒令寬何氏溝塍布碁局李君智略走

珠槃應存父老猶能說有意功名未必難

贈右番趙侍郎

霜須顧我十年兄朔漠陪公萬里行駢馬貂裘寒自
煖連牀龜息夜無聲同心使可忘苛禮異類猶應服
至誠行後雖勞思慮少會看黎棗及春生

古北口道中呈同事二首

前一首呈趙侍郎
後一首呈副使

獨卧繩牀已七年往來殊復少縈纏心游幽闕鳥飛
處身在中原山盡邊梁市朝回塵滿馬蜀江春近水
浮天枉將眼界疑心界不見中宵氣浩然
笑語相從正四人不須嗟歎久離羣及春煮菜過邊

郡賜火煎茶約細君日暖山暎冬未雪寒生胡月夜
無雲明朝對飲思鄉嶺夷漢封疆自比分

絕句二首

亂山環合疑無路小徑縈回長傍溪
歸夢中尋蜀道興州東谷鳳州西
日色映山才到地雪花鋪草不曾消
晴寒不及陰寒重攬篋猶存未著貂

過楊無敵廟

行祠寂寞寄閑門野草猶知避血痕
一敗可憐非戰罪太剛嗟獨畏人言
馳驅本為中原用嘗享能令異

域尊我欲比君周子隱誅彤聊足慰忠魂

燕山

燕山如長蛇千里限夷漢首銜西山麓尾掛東海岸
中開哆箕畢末路牽一線却顧沙漠平南來獨飛鴈
居民異風氣自古習耕戰上論召公奭禮樂比姬旦
次稱望諸君術略亞狐管子丹號無策亦數游俠冠
割棄何人斯腥臊久不泮哀哉漢唐餘左衽今已半
玉帛非足云子女罹蹈踐區區用戎索久爾縻郡縣
從來帝王師要在侮亡亂攻堅甚攻玉乘瑕易冰泮
中原但常治敵勢要自變會當挽天河洗此生齒萬

趙君偶以微恙乘駝車而行戲贈二絕句

鄰國知公未可風雙駝借與兩輪紅宅年出塞三千
騎卧畫輜車也要公

高屋寬箱虎豹相相逢燕市不相親忽聞中有京華
語驚喜開簾笑殺人

會仙館二絕句

北嶂南屏恰四周西山微缺放溪流胡人置酒留連
客頗識峯巒是勝游
嶺上西行雙石人臨溪照水久逡巡低頭似愧南來
使居屢雖高已失身

出山

燕疆不過占北關連山漸少多平田奚人自作草屋
住契丹駢車依水泉索馳羊馬散川谷草枯水盡時
一遷漢人何年被流徙衣服漸變存語言力耕分獲
世為客賦後希少聊偷安漢奚單弱契丹橫目視漢
使心淒然石塘竊位不傳子遺患燕薊逾百年仰頭
呼天問何罪自恨遠徂從祿山人此語也

奚君宅在中

奚君五畝宅封戶一成田故壘開都邑遺民雜漢編
不知臣僕賤漫喜殺生權燕俗嗟猶在婚姻未許連

惠州傳聞南朝逃叛者多在其間

孤城千室閉重闔蒼莽平川絕四鄰漢使塵來空極
目沙場雪重欲無春羞歸應有李都尉念舊可憐徐
舍人會逐單于渭橋下歡呼齊拜屬車塵

神水館寄子瞻兄四絕十一日二月十六日是大風

少年病肺不禁寒命出中朝敢避難莫倚皂貂欺朔
雪更催靈火煮鉛丹馬上作法似有功

夜雨從來相對眠茲行萬里隔胡天試依北斗看南
斗始覺吳山在目前

誰將家集過幽都逢見胡人問大蘇莫把文章動蠻

貊恐妨談笑卧江湖

虜廷一意向中原言語綢繆禮亦虔顧我何功慙陸
賈橐裝聊復助歸田

木葉山

奚田可耕鑿遼土直沙漠蓬棘不復生條幹何由作
茲山亦沙阜短短見叢薄冰霜葉隨盡鳥獸紛無託
乾坤信廣大一氣均美惡胡為獨窮陋意似鄙夷落
民生亦復爾拓汙不知忤君看齊魯間桑柘皆沃若
麥秋載萬箱蠶老簇千箔餘梁及狗彘衣被遍城郭
天工本何心地力不能博遂令堯舜人獨不施禮樂

虜帳

虜帳冬住沙陀中索羊織葦稱行宮從官星散依冢
阜羶蘆窟室欺霜風春梁煮雪安得飽擊兔射鹿夸
強雄朝廷經略窮海宇歲遺繒絮消頑凶我来致命
適寒苦積雪向日堅不融聯翩歲旦有來使屈指已
復過奚封禮成即日卷廬帳釣魚射鵝滄海東秋山
既罷復來此往返歲歲如旋蓬弯弓射獵本天性拱
手朝會愁心甯甘心五餌隨吾術勢類畜鳥游樊籠
祥符聖人會天意至今燕趙常耕農爾曹飲食自謂
得豈識圖霸先和戎

十日南歸馬上口占呈同事

南轅初喜去龍庭入塞猶須閱月行漢馬亦知歸意
速朝暘已作故人迎經冬舞雪長相避屈指新春旋
復生想見雒州饋生菜菜盤酪粥任縱橫

傷足

少年謬聞道直往寡所疑不知避礙嶮造次逢顛危
中歲飽憂患進退每自持長存鄙夫計未免達士嗤
前日使胡罷晝夜心南馳中途冰塞川滉漾無津涯
僕夫執轡前我心志止之馬眩足不禁拉然卧中坻
異域非所息據鞍幾不支昔嘗誦楞嚴聞有乞食師

行乞遭毒刺痛劇侵肝脾念覺雖覺痛無痛痛覺知
念極良有見遂與凡夫辭我今亦悟此先佛豈見欺
但爾不即證欲往常遲遲咄哉後來心當與初心期

春日寄內

春到燕山冰亦消歸驂迎日喜嫖姚久行胡地生華
髮初試東風脫弊貂挿髻小幡應正爾點槃生菜為
誰挑附書勤掃東園雪到日青梅未滿條

渡桑乾

北渡桑乾冰欲結心畏穹廬三尺雪南渡桑乾風始
和冰開易水應生波穹廬雪落我未到到時堅白如

磐陀會同出入凡十日腥羶酸薄不可食羊脩乳粥
差使人風隧沙場不宜客相攜走馬渡桑乾旌旆一
返無由還胡人送客不忍去久安和好依中原年年
相送桑乾上欲話白溝一惆悵

送文太師致仕還洛三首

國老無心豈為身五年朝謁慰簪紳元臣事業通三
世舊將威名服四鄰遍閱後生真有道欲談前事恐
無人比公惟有凌雲檜歲歲何妨雨露新
齊魯元勲古太師寂寥千載恐無之昔歸暫縮經邦
手復起還當問道時入謁何曾須掖侍到家依舊擁

旄麾孔公靈壽固應在秋晚香山訪佛祠

西都風物漢唐餘天作溪山養退居盈尺好花扶几
杖拂天脩竹倚庭除白頭伴侶誰猶健率意壺殮久

已踈

公昔與司馬公同居洛下常與諸老為真率之會酒肴果蔬隨有而具

我欲試求

三畝宅

從公宅日賦歸歟先人昔游洛中有卜築之志願

未暇

李公麟陽關圖二絕

百年摩詰陽關語三疊嘉榮意外聲誰遣伯時開縞
素蕭條邊思坐中生

西出陽關萬里行彎弓走馬自忘生不堪未別一盃

酒長聽佳人泣渭城

學士院端午帖子二十七首

皇帝閣六首

溽暑避華構清風迎早朝
楓槐高自舞冰雪晚初消

又

南訛初應曆五日未生陰
靈藥收農錄薰風拂舜琴

又

皇心卜夷曠一氣自炎涼
不廢荆吳舊民風見未央

又

九門已散秦醫藥百辟初頒凌室冰
飲食祈君千萬

壽良辰更上辟兵繒

雨遲麥粒尤堅好日麗蠶絲轉細長
入夏民間初解

愠宮中時舉萬年觴

汴上初無詔屈亭沅湘近在國南垌
太官漫解供新

糗諫列猶應記獨醒

太皇太后閣六首

決獄初迎雨開倉旋取陳青黃
今接夏飢疫免憂春

又

簾密風時度宮深日倍長
紵羅隨節賜黍麥趁新嘗

又

執熱寧忘濯清心自釋煩東朝聞好語畏日解餘暄

又

出磨玉塵除舊廩捧箱綵綫看新絲一年豐樂今將
半兩殿歡聲外得知

舟楫喧呼招屈處禽魚鼓舞放生中百官却拜臬羨
賜函去方知舜有功

玉殿清虛過暑天草廬煩促念民編外家近許遷新
宅不遣司農費一錢

皇太后閣六首

壽康朝謁蚤長信燕閒多不有圖書樂其如言滿何

又

玉宇宜朱夏壺冰生晚涼深心念行暘清夜久焚香

又

蠶宮罷採擷暴室獻朱黃翕呷霜紈動闌班綵綫長

又

六宮無事著嬉游百藥初成及早收苜歌還羞十二
節椿年自占八千秋

萬壽仍縈長命縷虛心不著赤靈符民間風俗疑當
共天上清高定爾無

楊子江心瀉鏡龍波如細縠不搖風宮中驚捧秋天

月長照人心助至公

皇太妃閣五首

曉起鐘猶凝朝回露欲乾
逡巡下清蹕委曲問平安

又

壓蔗出寒漿敲冰簇畫堂
人間正袞暑天上絕清涼

又

九夏清齋奉至尊消除癘疫去無痕
太醫爭獻天師艾瑞霧長縈堯母門

紈扇新裁冰雪餘清風不隔紵羅疎
飛昇漫寫秦公子榮謝應憐漢婕妤

渺渺金河入禁垣漸臺雨過碧波翻
共傳太液龍舟穩不似南方競渡喧

夫人閣四首

脩厦欺晴日重簾度細風羣仙不煩促
長在廣寒宮

又

尋芳空茂木鬪草得幽蘭歌舞纖絺健
嬉游玉佩珊

又

新煮青筠筠稻米香旋抽獨蠶薄羅光
刺堆雕俎添崖窰爭作輕衫薦壽觴

御溝遶殿細舞聲飛灑彤墀曉氣清
開到石榴花欲

虛陰陰高柳一蟬鳴

次韻門下劉侍郎直宿寄蘇左丞

雷雨連年起卧龍穆然臺閣有清風一時畫諾雖云
舊此日都俞本自公松竹經霜俱不改鹽梅共鼎固
非同一篇和遍東西府六律更成十二宮

次韻張耒學士病中二首

一卧憐君三十朝呼醫仍苦禁城遙靈根自逐新陽
發病拚從經野火燒吻燥未須尋麩葉囊空誰與典
締蕉何時匹馬隨街鼓睡起頻驚髀肉消

塵垢汗人朝復朝病中吟嘯夜方遙長空鴈過疑相

荅虛幌螢飛坐恐燒稍覺新霜試松竹未應寒雨敗
梧蕉從來百鍊身如劍火滅重磨未遽銷

次韻張君病起二首

壯年得疾勢能支不廢霜螯左手持漸喜一杯留好
客未應五斗似當時口中舌在時聞句雪裏心安不
問師去卧淮陽從病守功名他日許君期

老去生經廢不行鏡中白髮見空驚解將冲氣通枯
指易甚新陽發舊莖一悟少年難久恃不妨多病却
長生文章繆忝推前輩服食從來亦強名

樂城集卷第十六

樂城集卷第十六

